

**გორის მუნიციპალიტეტის საკრებულოს წევრის მარლენ ნადირაძის  
2022 წლის 01 ოქტომბრიდან 2023 წლის 01 ნოემბრამდე გაწეული საქმიანობის**

**ა ნ გ ა რ ი შ ი**

2022 წლის 01 ოქტომბრიდან 2023 წლის 31 ოქტომბრის ჩათვლით დავესწარი გორის მუნიციპალიტეტის საკრებულოს 15 სხდომას და მონაწილეობა მივიღე 237 საკითხის განხილვაში.

ამავე პერიოდში დავესწარი საკრებულოს ბიუროს 32 სხდომას და მონაწილეობა მივიღე 446 საკითხის განხილვაში.

ვარ საკრებულოს ფრაქცია „ქართული ოცნება-დემოკრატიულ საქართველოს“ წევრი. დავესწარი აღნიშნული ფრაქციის 6 სხდომას და მონაწილეობა მივიღე 71 საკითხის განხილვაში.

ამავდროულად ვარ საკრებულოს სამანდატო, საპროცედურო საკითხთა და ეთიკის კომისიის წევრი. დავესწარი აღნიშნული კომისიის 15 სხდომას და მონაწილეობა მივიღე 56 საკითხის განხილვაში.

ასევე ვარ საკრებულოს ქონების მართვის, ბუნებრივი რესურსების, აგრარულ და მიწის საკითხთა კომისიის წევრი. დავესწარი კომისიის 9 სხდომას და მონაწილეობა მივიღე 59 საკითხის განხილვაში.

როგორც საკრებულოს წევრი, გორის მუნიციპალიტეტის მერიაში წარმოვადგენ სოფლის მხარდაჭერის პროგრამის საკითხებზე მოსახლეობასთან ურთიერთობის და საპროექტო წინადადებების მიღებაზე უფლებამოსილ პირს და, ამავე დროს, ვარ აღნიშნულ საკითხზე გორის მუნიციპალიტეტის მერის ინიციატივით შექმნილი სამუშაო ჯგუფის წევრი და აქტიურად ვმონაწილეობ აღნიშნული სამუშაო ჯგუფის მუშაობაში.

ამასთანავე, ვარ გორის მუნიციპალიტეტის მერის ინიციატივით შექმნილი სამოქალაქო ბიუჯეტის საბჭოს შემადგენლობაში და გორის მუნიციპალიტეტის 2023-2026 წლების პრიორიტეტების დოკუმენტის მომზადების სამუშაო ჯგუფში.

საანგარიშო პერიოდში სისტემატიურად მიწვედა და მიწვევს სამუშაო რეჟიმში მუნიციპალიტეტის საკრებულოში ვიზიტად მოსულ მოქალაქეებთან შეხვედრა, ასევე მოსახლეობას სისტემატიურად ვხვდები გასვლით შეხვედრებზეც, როგორც საზოგადოებრივ, ასევე ინდივიდუალურ საკითხებზე.

საქართველოს კანონმდებლობის შესაბამისად, როგორც საკრებულოს თავმჯდომარის პირველი მოადგილე, ვარ სამხარეო საკონსულტაციო საბჭოს წევრი და აქტიურად ვიღებ მონაწილეობას აღნიშნული საბჭოს მუშაობაში.

ასევე აქტიურად ვიყავი ჩართული გორის მუნიციპალიტეტის 2023 წლის ბიუჯეტის ფორმირების პროცესში. კერძოდ:

ბიუჯეტის განხილვისას ჩემს მიერ ოფიციალურად გამოთქმული შენიშვნების გათვალისწინებით, საანგარიშო წლის განმავლობაში მუნიციპალიტეტის 2023 წლის ბიუჯეტის ხარჯვითი ნაწილის რამოდენიმე მუხლში გათვალისწინებული თანხები გაიზარდა გარკვეული რაოდენობით, კერძოდ:

- ბიუჯეტის პროექტით, საგზაო ინფრასტრუქტურის განვითარებაში (პროგრამის კოდი: 02.01) გზების მოვლა-შენახვის ქვეპროგრამით (კოდი 02.01.01) გათვალისწინებული იყო 900 000

ლარი, რომელიც ბიუჯეტში განხორციელებული ცვლილებების შედეგად გაიზარდა 1 764 600 ლარამდე.

- ბიუჯეტის პროექტით, საბინაო ფონდის განვითარებისა და ინფრასტრუქტურული პროექტების თანადაფინანსებაში (პროგრამის კოდი 02.04) ბინათმესაკუთრეთა ამხანაგობების და ინდივიდუალური საცხოვრებელი სახლების მესაკუთრეთა გაერთიანებების თანადაფინანსების ქვეპროგრამით (კოდი: 02.04.01.) გათვალისწინებული იყო 1 920 000 ლარი, რომელიც ბიუჯეტში განხორციელებული ცვლილებების შედეგად, გაიზარდა 2 631 000 ლარამდე.
- ბიუჯეტის პროექტით, დასუფთავება და ნარჩენების გატანის ქვეპროგრამით (კოდი: 03.01.01) გათვალისწინებული იყო 2 800 000 ლარი, რომელიც ბიუჯეტში განხორციელებული ცვლილებების შედეგად გაიზარდა 3 868 000 ლარამდე.
- ბიუჯეტის თავდაპირველი პროექტით, სკოლამდელი დაწესებულებების ფუნქციონირების ხელშეწყობის ქვეპროგრამით (კოდი 04.01.02) გათვალისწინებული იყო 9 600 000 ლარი, რომელიც ბიუჯეტში განხორციელებული ცვლილებების შედეგად გაიზარდა 13 422 000 ლარამდე.
  - ბიუჯეტის ასევე თავდაპირველი პროექტით, ერთჯერადი სოციალური (ფულადი) დახმარების ქვეპროგრამით (კოდი: 06.02.19) გათვალისწინებული იყო 50 000 ლარი, რომელიც ბიუჯეტში განხორციელებული ცვლილებების შედეგად გაიზარდა 145 000 ლარამდე.

• ასევე, ჩემი წინადადებების შედეგად, აღნიშნულ საანგარიშო წელში, მუნიციპალიტეტის მერიის მიერ განხორციელდა სხვადასხვა ინფრასტრუქტურული და სოციალური პროექტი. კერძოდ:

- ქ. გორში, ვოლოგდის დასახლებაში სკვერის სარეაბილიტაციო სამუშაოები - პროექტის ღირებულება : 237 814, 47 ლარი.
- ქ. გორში, წმინდაწყლის დასახლებაში, გვერდწითელის და ნადირაძის ქუჩებთან მინი სპორტული მოედნის მოწყობის სამუშაოები - პროექტის ღირებულება: 77 551,63 ლარი.
- ქ. გორში, წმინდაწყლის დასახლებაში, ნადირაძის ქუჩაზე მინი სპორტული მოედნის მოწყობის სამუშაოები - პროექტის ღირებულება: 111 078 ლარი.
- ქ. გორში, მეჯვრისხევის ბარაკი #2 დასახლებაში მცხოვრები 13 სოციალურად დაუცველი ოჯახის წყალარინების ქსელზე მიერთების საფასურის გადასახდელად ფინანსური პროგრამის დამტკიცება - პროგრამის ღირებულება: 19 500 ლარი.
- გორის მუნიციპალიტეტის სოფელ ტინისხიდში ერთ-ერთ საუბნო გზაზე ასფალტის საფარის მოწყობა - პროექტის ღირებულება: 577 000 ლარი.
- გორის მუნიციპალიტეტის სოფელ ტინისხიდში სავარჯიშო ტრენაჟორების მოწყობა - პროექტის ღირებულება: 35 055 ლარი.
- გორის მუნიციპალიტეტის სოფელ ტინისხიდში და სოფელ თედოწმინდაში არსებული სკვერების კეთილმოწყობის სამუშაოები - პროექტის ღირებულება : 20 673,02 ლარი და 16 542,28 ლარი.
- გორის მუნიციპალიტეტის სოფელ ოთარშენში სასმელი წყლის წყალსაქაჩი სადგურის მოწყობა - პროექტის ღირებულება: 43 452,54 ლარი.

და ბოლოს, მიმდინარე ეტაპზე გორის მუნიციპალიტეტის მერიის შესაბამისი სამსახურები მუშაობენ ჩემი წინადადებით დაყენებული რამოდენიმე ინფრასტრუქტურული და სოციალური პრობლემის მოსაგვარებლად საჭირო პროექტების მომზადებაზე. აღნიშნული პროექტების განხორციელება მოხდება 2024 წლის საანგარიშო პერიოდში.

31.10.2023

გორის მუნიციპალიტეტის საკრებულოს წევრის მარლენ ნადირაძის

ამომრჩევლებთან შეხვედრის დამადასტურებელი

ოქმი

ქ. გორი

2023 წლის 31 ოქტომბერი.

სხდომას ესწრებოდნენ :

საკრებულოს თავმჯდომარე: დავით რაზმაძე;

ფრაქცია „ქართული ოცნება - დემოკრატიული საქართველო“- ფრაქციის თავმჯდომარე:  
კობა ბერიანიძე;

საკრებულოს წევრი: მარლენ ნადირაძე;

სხდომას ასევე ესწრებოდნენ: გორის მუნიციპალიტეტის სოფელ ტინისხიდის დ  
წმინდაწყლის ადმინისტრაციული ერთეულების მოსახლეობა და საკრებულოს აპარატის  
უფროსი სპეციალისტი ინგა ტარიელაშვილი;

სხდომას თავმჯდომარეობდა: საკრებულოს თავმჯდომარე დავით რაზმაძე;

დღის წესრიგი

გორის მუნიციპალიტეტის საკრებულოს წევრის მარლენ ნადირაძის 2022 წლის 1  
ოქტომბრიდან 2023 წლის 1 ნოემბრამდე გაწეული საქმიანობის ანგარიში


სხდომის თავმჯდომარემ დამსწრე პირებს წარუდგინა საკრებულოს წევრი მარლენ  
ნადირაძე და გააკეთა განმარტება, რომ საკრებულოს ყველა წევრი ვალდებულია  
წელიწადში ერთხელ მაინც, არაუგვიანეს 1 ნოემბრისა, ამომრჩეველს წარუდგინონ  
ანგარიში გაწეული მუშაობის შესახებ, ანგარიშის განხილვისას უპასუხონ  
ამომრჩეველთა მიერ დასმულ შეკითხვებს.

სხდომის დღის წესრიგის მიხედვით სხდომის თავმჯდომარემ სიტყვა გადასცა საკრებულოს წევრს მარლენ ნადირაძეს, რომელმაც დეტალურად ისაუბრა 2022 წლის 1 ოქტომბრიდან 2023 წლის 1 ნოემბრამდე განვლილ პერიოდში მის მიერ გაწეული საქმიანობის შესახებ. აღნიშნა ის გამოწვევები და სიკეთეები რაც თან ახლდა მოსახლეობის პრობლემების მოგვარებას. მოსახლეობის მხრიდან დაისვა შეკითხვები, რომლებიც ძირითადად ეხებოდა ინფრასტრუქტურულ პროექტებს და სოციალურ პრობლემებს. საკრებულოს წევრმა მარლენ ნადირაძემ აღნიშნა, რომ იგი აქტიურადაა ჩართული მუნიციპალიტეტის 2024 წლის ბიუჯეტის პროექტის შედგენის და პრიორიტეტების დოკუმენტის მომზადებაში, სადაც ასევე იქნება მოსახლეობის ის პრობლემები ასახული რომელის გაკეთებაც ვერ მოხერხდა ამ წლის ბიუჯეტიდან.

აზრი გამოთქვას: დავით ავაზნელმა, ბუხუტი შავიძემ და ავთანდილ ყაზარაშვილმა.

გადაწყვეიტეს: პრობლემების გამოვლენის და აღმოფხვრის მიზნით გაიზარდოს მოსახლეობის ჩართულობა, რისთვისაც უფრო სისტემატიური ხასიათი მიიღოს საკრებულოს წევრების და ამომრჩევლების ურთიერთშეხვედრებმა და ურთიერთ თანამშრომლობამ.

სხდომის თავმჯდომარე:



დავით რაზმაძე;

საკრებულოს წევრი :



მარლენ ნადირაძე;